



გორის მუნიციპალიტეტის
საკრებულოს

განკარგულება № 42

2020 წლის 13 მარტი

გორი

გორის მუნიციპალიტეტში 2020 წელს საქართველოს სახელმწიფო ბიუჯეტით
გათვალისწინებული საქართველოს რეგიონებში განსახორციელებელი პროექტების
ფონდიდან დასაფინანსებელი პროექტების მოწონების თაობაზე

საქართველოს მთავრობის 2013 წლის 7 თებერვლის №23 დადგენილების „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს რეგიონებში განსახორციელებელი პროექტების ფონდის დაფინანსებით გორის მუნიციპალიტეტში იგეგმება ინფრასტრუქტურული პროექტები, კერძოდ: ა) სოფელ ძევერაში სასმელი წყლის სისტემის რეაბილიტაცია; ბ) სოფლების: წედისი, ბნავისი, ოლოზის წყალმომარაგების სისტემის რეაბილიტაცია.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტის და „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს მთავრობის 2013 წლის 7 თებერვლის №23 დადგენილების მე-2 მუხლის მე-4 პუნქტის საფუძველზე, გორის მუნიციპალიტეტის საკრებულო ადგენს:

1. მოწონებულ იქნეს საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან გორის მუნიციპალიტეტში 2020 წელს დასაფინანსებელი პროექტები თანდართული დანართი N1 (1 ფურცლად) შესაბამისად.

2. განკარგულება ამოქმედდეს ხელმოწერისთანავე.

3. განკარგულების გასაჩივრება შესაძლებელია დაინტერესებული მხარის მიერ მისი გაცნობის დღიდან ერთი თვის განმავლობაში, სარჩელის წარდგენის გზით გორის რაიონულ სასამართლოში (მის.: ქ. გორი, ს.ჯორბენაძის ქ. #30).

საკრებულოს თავმჯდომარე



დავით რაზმაძე

საპროექტო წინადადება

N	საპროექტო წინადადების დასახელება	შენიშვნა
1	2	3
1	სოფელ ძევერაში სასმელი წყლის სისტემის რეაბილიტაცია	
2	სოფლების: წედისი, ზნავისი, ოლოზის წყალმომარაგების სისტემის რეაბილიტაცია	

გორის მუნიციპალიტეტის მერი



[Handwritten signature]

კონსტანტინე თავზარაშვილი